

ЭЛЕКТР ЭНЕРГИЯСИ ЕТКАЗИБ БЕРИШ ВА УНДАН ФЙДАЛАНИШ ТЎҒРИСИДА ШАРТНОМА

№315

Шахрисабз шаҳар

«18» январь 2022 й.

Шахрисабз шаҳар ЭТК, (ташкilot, корхона номи)
кейинги ўринларда "Таъминотчи" деб юритилади. Ўзининг низоми асосида иш юритувчи
Раҳбар Т. Тошев (вазифаси, фамилияси, исми) номидан, бир томондан ва
Шахрисабз тумани ДСИ (корхона, ташкilot, муассаса
номи), кейинги ўринларда "Истеъмолчи" деб юритилади, ўзининг низоми асосида иш
юритувчи Раҳбар Ш. Курбатов (вазифаси, фамилияси, исми) номидан, иккинчи томондан
мазкур шартномани қуйидагилар ҳақида туздилар.

I. ШАРТНОМАНИНГ МОҲИЯТИ

- 1.1. Ушбу шартнома бўйича "Таъминотчи" "Истеъмолчи"нинг буюртманомасига мувофиқ уланган тармоқ орқали электр энергияси етказиб беришни ўз зиммасига олади. "Истеъмолчи" эса мазкур шартноманинг I - иловасида белгиланган қувватдаги электр энергиясини қабул қилиб олиш ва илова қилинадиган жадвал асосида бюджетдан ажратилган маблағлар ҳисобидан ҳақ тўлашни ўз зиммасига олади.
- 1.2. Бюджет ташкilotининг йил давомида смета ҳаражатларига киритиладиган ўзгаришлар доирасида хизмат кўрсатувчи, хизмат олувчилар томонидан ўзаро келишилган ҳолда шартнома суммасига ўзгартиришлар киритишга ҳақлидирлар.
- 1.3. Фойдаланадиган электр энергиясининг йиллик ҳажми 22065 кВт.с ташкilot килади.

II. ТАРАФЛАРНИНГ ҲУҚУҚ ВА МАЖБУРИЯТЛАРИ

2.1. "Истеъмолчи"нинг ҳуқуқлари:

- а) "Таъминотчи"дан шартномада кўрсатилган миқдордаги электр энергиясини электр тармоқларининг бўлиниш чегарасига етказиб беришни;
- б) электр тармоқларининг баланс бўйича тегишлилик чегарасида электр энергиясининг сифат кўрсаткичларини шартнома ва стандартларда белгиланган миқдорда сақлашни;
- в) электр энергияси истеъмолининг ойлик шартномавий миқдорини чораклик миқдор доирасида жорий чорак мобайнида 2 марта (1- ва 2-ойларда улар тугагунгача 10 кундан кечикмай) қайта тақсимланишини "Таъминотчи"дан талаб қилишга ҳақлидир.
- г) электр тармоқларининг бўлиниш чегарасида зарур сифатга мувофиқ бўлмаган электр энергияси етказиб берилганда "Истеъмолчи" ҳз хошига кўра;
муддатлар бузилган ёки зарур сифатга мувофиқ бўлмаган ҳолда етказиб берилган электр энергиясини қабул қилишни ва ҳақини тўлашни рад этишга
- г) "Таъминотчи"дан шартнома шартларини бажармаслик ёки зарур даражада бажармаслик натижасида етказилган зарарни, бой берилган фойдани қопланишини талаб қилишга ҳақлидир.

2.2. "Истеъмолчи"нинг мажбуриятлари:

- а) Ҳисобга олиш жойи электр тармоқларнинг "Таъминотчи" билан баланс мансублиги бўйича бўлиниш чегарасига ўтказилсин (истеъмолнинг ҳисобга олиниши бўлиниш чегарасида амалга оширилмаган вазиятларда);
- б) электр тармоқлари, асбоб ускуналарининг тегишли техник ҳолатини ва хавфсизлигини таъминлаш;
- в) электр энергиясини истеъмол қилишнинг ўрнатилган тартибига риоя қилиш ҳамда электр энергиясидан фойдаланишда юзага келадиган авариялар, ёнғинлар, электр энергиясини ҳисобга олиш асбобларидаги носозликлар ҳақида "Таъминотчи"га хабар бериш;
- г) реактив энергия ишлаб чиқарувчи ускуналарнинг иш режимида риоя қилиш шартноманинг;
- д) истеъмол қилинадиган электр энергиясини ҳисобга олиш асбоблари ва улардаги тамғаларнинг бутлиги ва сақланишини таъминлаш;
- е) ишлатилган электр энергияси учун тўловларни ўз вақтида амалга ошириш.

2.3. "Таъминотчи"нинг ҳуқуқлари:

- а) "Истеъмолчи"дан етказиб бериладиган электр энергияси учун олдиндан тегишли ҳақни тўлашни ва амалдаги қонун ҳужжатларида белгиланган тартибда узил-кесил ҳисоб-китобларни амалга оширишни;
- б) шартномага ёки шартнома асосида берилган буюртманомага мувофиқ етказиб берилган электр энергиясини қабул қилишни асоссиз рад этиш натижасида етказилган зарарни қоплашни "Истеъмолчи"дан талаб қилишга ҳақлидир;
- в) унинг вакили тегишли амал қилиш муддати билан шахсий гувоҳномаси мавжуд бўлганда электр ҳисоблагичларни кўриб текширади;
- г) маънавий жихатдан эскирган электр энергиясини индукцион ҳисобга олиш приборларини режа асосида Давлат текширувдан ўтказмайди ҳамда ЎзР Вазирлар Маҳкамасининг 2004 йил 1 ноябрдаги 512-сонли Қарорига мувофиқ уларни замонавий электрон ҳисоблагичларга алмаштирилишини талаб қилади.

2.4. Таъминотчининг мажбуриятлари:

- а) қонун ҳужжатларига мувофиқ ушбу шартнома мажбуриятларини ўз муддатида бажарилишини таъминлаш;
- б) «Истеъмолчи»га шартномада кўрсатилган миқдордаги электр энергиясини электр тармоқларининг бўлиниш чегарасига етказиб бериш;
- в) электр тармоқларининг баланс бўйича тегишлилик чегарасида электр энергиясининг сифат кўрсаткичларини

- шартнома ва стандартларда белгиланган миқдорда саклаш;
- г) электр энергиясининг "Истеъмолчи"га узлуксиз ("Электр ускуналарининг курилма коидалари" 1.2.17-банди асосида) етказиб берилишини таъминлаш;
- д) электр тармоқларини режали таъмирлашда электр энергияси билан таъминлашдаги мумкин бўлган узилишлар тўғрисида "Истеъмолчи"ни камида 3 сутка олдин огоҳлантириш;
- е) электр энергиясидан асоссиз узишга йўл қўймаслик ва "Истеъмолчи"га электр энергияси беришнинг режадан ташқари тўхтатилиши сабабларини хабар қилиш;
- ж) "Истеъмолчи"га электр ҳисоблагичларининг амалдаги норматив ҳужжатлар талабларига мувофиқ алмаштириш муддатларини хабар қилиш;
- ж) жорий этиладиган чеклашлар ҳақида чеклашнинг жорий этилиш ҳажми ва вақтини кўрсатган ҳолда 0,5 кун олдин хабар қилиш;
- з) энергия тарифи ўзгарганда ўрнатилган тартибда "Истеъмолчи"га билдириш.
- и) "Электр энергиясидан фойдаланиш коидалари"га (ЎзР Вазирлар Маҳкамасининг 2005 йил 27 январдаги 32-сонли Қарорига 1-илова), электр энергияси истеъмолчилари ва энергия таъминоти ташкилотлари ўртасида ҳисоб-китоблар тартиби тўғрисида Низомга (ЎзР Вазирлар Маҳкамасининг 2004 йил 1 ноябрдаги 511-сонли Қарорига 2-илова) риод қилинсин.

III. ЭЛЕКТР ЭНЕРГИЯСИНИ НАРХИ ВА ҲИСОБ-КИТОБЛАР ТАРТИБИ

3.1. Шартноманинг тузилган вақтдаги умумий йиллик баҳоси (Тўққуз миң тоқсон тўққуз юз чиқарилган тўққуз миңга етти юз эллик) сўмни ташкил этган (сўмда)

2022 йил жами	1-чорак			2-чорак			3-чорак			4-чорак		
	Январ	Феврал	Март	Апрел	Май	Июн	Июл	Август	Сентябр	Октябр	Ноябр	Декабр
бюджет	3309750	3309750	3309750									

Электр энергияси тарифи бир ставкали, икки ставкали, табақалаштирилган ставкада белгиланади. (*зарур бўлмагани учирлади*)

Шартнома бўйича етказиб бериладиган электр энергиясининг тарифлари берилди.

3.2. Навбатдаги ой учун етказиб бериш назарда тутилган ресурслар ҳажмининг камида 100 фоиздан кам бўлмаган миқдорда олдиндан 28 санасигача ҳақ аванс тарикасида тўланади, истеъмол қилинган электр энергияси учун қолган сумма 30 кун мобайнида тўлиқ тўлаб берилди.

3.3. Етказиб берилган электр энергияси учун тўлов пул ўтказиш йўли билан ҳисоб-китоб қилинади. (1 ҳисоб-китоб қилиш шакли кўрсатилади)

3.4. "Истеъмолчи"нинг айби билан шартномада кўрсатилган ҳажмларга нисбатан электр энергияси кам истеъмол қилинганда тўланган аванс маблағлари қайтарилмайди, балки истеъмол қилинган электр энергияси учун кейинги ҳисоб-китобларда ҳисобга олинади.

3.5. "Истеъмолчи" ҳар ойда бўлиниш чегараларида ўрнатилган ҳисобга олиш приборлари кўрсаткичларини ёзиб олади. Ушбу кўрсаткичлар асосида ўлчов трансформаторлари коэффициентларини ҳисобга олган ҳолда истеъмол миқдори ва фойдаланилган электр энергияси учун тўлов суммаси аниқланади.

Белгиланган шаклдаги ҳисобот "Таъминотчи"га 28-санасига муддада юборилади.

3.6. Ҳисоб-китоб электр ҳисоблагичи бўлиниш чегарасида ўрнатилмаган тақдирда электр тармоғининг баланс бўйича тегишлилик чегарасидан электр ҳисоблагич ўрнатилган жойгача электр энергияси йўқотилиши миқдори "Истеъмолчи" билан биргаликда ҳисоб-китоб йўли билан аниқланади ва тўлов учун "Истеъмолчи"га берилган фойдали электр энергияси билан жамланади.

3.7. Тақдим этилган белгиланган шаклдаги ҳисоботга асосан "Таъминотчи" "Истеъмолчи"га ҳисоб-фактура ёзиб беради.

Ҳар хил тариф гуруҳига таалукли бир неча объектларга эга истеъмолчилар билан ҳисоб-китоблар ҳар бир тариф гуруҳига ўрнатилган ҳисобга олиш приборлари кўрсаткичлари бўйича амалга оширилади, лекин шунинг билан бирга ҳар бир объект бўйича бўлиб кўрсатилган битта ҳисоб-фактура ёзиб берилди.

Қисман (тўлиқ ҳажмда эмас) ҳақ тўланганда, "Истеъмолчи" тўлов ҳужжатида қайси тариф гуруҳлари бўйича тўлов биринчи навбатда амалга оширилаётганини кўрсатиши керак. Ақс ҳолда, "Таъминотчи" тариф гуруҳлари бўйича қарздорликни бартараф этиш навбатини мустақил белгилаш ҳуқуқига эга.

Электр энергияси истеъмоли ҳақида ҳисобот тақдим этилмаганда, электр таъминоти ташкилоти шартномавий электр истеъмоли ҳажми бўйича ҳисоб-китоб ойига кейинчалик амалда истеъмол қилинган электр энергияси бўйича қайта ҳисоб-китоб қилган ҳолда ҳисоб-китобни амалга оширади.

Ортиқча тўланган маблағлар қайтарилмасдан аванс тўлови тарикасида ҳисобга олинади.

3.8. "Истеъмолчи" томонидан тегишли ойга етказиб берилиши кўзда тутилган электр энергияси ҳажми кийматининг 100 фоиздан кам (олдиндан тўлов миқдори кўрсатилсин, лекин 100 фоиздан кам бўлмасин) бўлмаган миқдорда олдиндан тўлов амалга оширилганда электр энергияси ҳар ойда етказиб берилди.

Яқуний ҳисоб-китоб эса 30 кун давомида (яқуний ҳисоб-китоб муддати кўрсатилсин, лекин 30 кундан ортмасин) амалга оширилади. "Истеъмолчи" да электр энергияси учун 90 кундан ортиқ (муддати юқорида кўрсатилган) муддати ўтган қарздорлиги мавжуд бўлганда, аванс тўлови тарикасида тўланган маблағлар муддати ўтган қарздорликни бартараф этишга йўналтирилади ва аванс тўлови тарикасида ҳисобга олинмайди.

"Истеъмолчи" бир неча тариф гуруҳига эга бўлса, у олдиндан тўлов ҳужжатида тариф гуруҳи бўйича электр энергияси суммаси ва ёки миқдорини кўрсатиши керак. Акс ҳолда, "Таъминотчи" тариф гуруҳлари бўйича қарздорликни бартараф этиш навбатини мустакил белгилаш ҳуқуқига эга.

3.9. Узил-кесил ҳисоб китоб кўрсатилган муддатларда амалга оширилмаган тақдирда "Таъминотчи" "Истеъмолчи"га электр энергия беришни тўхтатади (шартноманинг 5.5 бандида кўрсатилган "Истеъмолчи"лар бундан мустасно). Бир вақтнинг ўзида, "Таъминотчи" электр энергияси етказиб бериш далолатномаси асосида амалга оширилган тўловлар суммасини чиқариб ташлаган ҳолда хизмат кўрсатувчи банк орқали қисобот оyiда етказиб берилган электр энергияси суммасига акцепт билан тўлов талабномаси беради.

IV. ЭЛЕКТР ЭНЕРГИЯСИ ЕТКАЗИБ БЕРИШ ВА УНИ КАБУЛ КИЛИБ ОЛИШ ТАРТИБИ

4.1. Шартномада кўрсатилган мажбуриятлар шартнома шартлари ва қонун ҳужжатлари талабларига мувофиқ тарзда бажарилиши керак. Агар томонлар ўз зиммаларига олган барча мажбуриятлар бажарилишини таъминласа, шартнома бажарилган деб ҳисобланади.

4.2. Электр энергиясини етказиб бериш шартномада ёки шартнома асосида берилган буюртманомада кўрсатилган муддатлар ва ҳажмларда мазкур шартномада кўрсатилган давр мобайнида амалга оширилади. "Таъминотчи" буюртманомаларни рўйхатдан ўтказиш дафтари юротилади.

4.3. "Истеъмолчи" илгари берилган буюртманомани бекор қилишга ёки ундаги электр энергиясини етказиб бериш миқдори ва санасини ўзгартиришга ҳақлидир, бу ҳақда "Таъминотчи"ни буюртманомада кўрсатилган сана бошланишидан жорий ой тамом бўлишигача камида 10 кун олдин хабардор қилади.

V. ЭЛЕКТР ЭНЕРГИЯСИ БЕРИШНИ ТЎХТАТИШ ВА УЗИБ ҚЎЙИШ ТАРТИБИ

5.1. Электр энергияси беришдаги узилишларга, электр энергиясини беришни тўхтатиш ёки чеклашга томонлар келишувига мувофиқ йўл қўйилади.

5.2. "Истеъмолчи" билан келишмасдан ва уни огоҳлантирмасдан, бироқ унга дарҳол хабар берган ҳолда электр энергияси беришни вақтинча узиб қўйиш, тўхтатиш ёки чеклашга "Таъминотчи" тизимида авариянинг олдини олиш ёки уни тугатиш учун кечиктириб бўлмайдиган чораларни кўриш зарур бўлган ҳолларда йўл қўйилади.

5.3. Электр энергияси истеъмолининг белгиланган режими бузилганда; шартномада назарда тутилган электр энергияси ҳажми қийматининг камида 100 фоизини олдиндан тўламаганда; ҳисоб-китоб оyi тамом бўлгандан кейин 30 кун мобайнида истеъмол қилинган электр энергияси учун тўланмаган қарзи мавжуд бўлганда;

"Истеъмолчи" электр энергияси тармоғига ўзбошимчалик билан уланганда ёки қувват шартномада келишилган миқдордан оширилганда;

"Ўзстандарт" агентлиги органлари томонидан текширилган истеъмол қилинадиган энергияни ҳисобга олиш приборларига эга бўлмаганда;

"Таъминотчи"нинг вакили соат 8.00 дан 20.00 гача бўлган давр мобайнида ҳисоблаш приборларини кўришга асоссиз қўйилмаганда, "Таъминотчи" электр энергияси беришни тўхтатиб қўйиш ҳуқуқига эга бўлади.

5.4. "Истеъмолчи"дан ҳисобга олиш прибори бўлмаганда ҳисобга олиш прибори "Истеъмолчи"нинг айби билан шикастланганда;

ҳисобга олиш приборларини ишга тушириш схемаси ўзгарганда ёки ҳисоблагичдан ташқари нагрузка уланганда; фойдаланилган электр энергияси учун ҳақ белгиланган муддатларда тўланмаганда "Истеъмолчи" 1 кун олдин огоҳлантирилиб электр энергияси тармоғидан узиб қўйилади;

5.5. Электр энергиясини узиб қўйиш техноген ва авария оқибатларига олиб келиши мумкин бўлган, алоҳида ҳавф ва узлуксиз технология жараёнга эга бўлган (Вазирлар Маҳкамасининг 2004 йил 1-ноябрдаги Электр энергиясидан фойдаланганлик учун ҳисоб-китоб қилиш механизмининг тубдан такомиллаштириш чора тадбирлари тўғрисида" ги 511-сон Қарор низомининг 1-илбвасидаги рўйхатга киритилган) истеъмолчиларнинг тўлов муддати ўтган қарзлари вужудга келган тақдирда ҳақи тўланмаганлиги учун электр энергияси берилишини чеклаш, белгиланган тартибда энергия билан таъминлашнинг технологик ва аварияли бронгача, тўлиқ узиб қўйиш эса фақат суд қарорига кўра амалга оширилиши мумкин. "Таъминотчи" ва "Истеъмолчи" томонидан имзоланган технологик ва аварияли брони далолатномалари шартноманинг узвий қисми ҳисобланади.

VI. ТОМОНЛАРНИНГ МУЛКИЙ ЖАВОБГАРЛИГИ

6.1. Электр энергияси етказиб бериш муддатлари кечиктириб юборилган, 5 фоиздан кўп миқдорда электр энергияси етказиб берилмаган ҳолларда "Таъминотчи" "Истеъмолчи"га муддати ўтказиб юборилган ҳар бир кун учун мажбуриятлар бажарилмаган қисмининг 0,5 фоизи миқдорида пеня тўлайди, бироқ пенянинг умумий суммаси етказиб берилмаган электр энергияси қийматининг 50 фоизидан ортиқ бўлмаслиги керак. Пеня тўланиши "Таъминотчи"ни шартноманинг зарур даражада бажарилишидан ва электр энергияси етказиб бериш кечиктирилганлиги ёки тўлиқ етказиб берилмаганлиги туфайли етказилган зарарларни қоплашдан озод қилмайди.

6.2. Етказиб берилган электр энергияси ҳақини ўз вақтида тўламагани учун "Истеъмолчи" "Таъминотчи"га ўтказиб юборилган ҳар бир кун учун тўлов суммасининг 0,4 фоизи (маҳсус тартибга кўра электр энергияси бериладиган корхоналар учун 0,2 фоиз) миқдорида, аммо кечиктирилган тўлов суммасининг 50 фоизидан ортиқ бўлмаган миқдорда пеня тўлайди.

6.3. "Истеъмолчи"нинг таклифига кўра мулжалланаётган ўзгартиришларгача 10 кундан кеч бўлмаган муддатда киритилган электр энергиясининг шартномадаги ҳажмларининг ўзгартирилиши электр энергиясини кам олиш ёки ортиқча олиш деб ҳисобланмайди.

6.4. Ушбу шартномада назарда тутилмаган жавобгарлик ва бошқа масалалар Ўзбекистон Республикасининг амалдаги қонун ҳужжатлари билан тартибга солинади.

VII. НИЗОЛАРНИ ҲАЛ ҚИЛИШ ТАРТИБИ

7.1.Келишмовчиликлар ва низоли масалалар келиб чиққан тақдирда томонлар, коидага кўра уларни судгача ҳал этиш юзасидан тегишли чораларни кўрадилар.

Томонлар келишмовчиликлар ва низоларни ҳал этиш учун бевосита судга мурожаат қилишга ҳам ҳақлидир.

7.2.Шартнома бажарилишини бир томонлама рад этишга ёки шартнома шартларини бир томонлама ўзгартиришга йул қўйилмайди, конун ҳужжатларида белгиланган ҳоллар бундан мустасно.

VIII. ФОРС-МАЖОР ВА ЖАВОБГАРЛИКДАН ОЗОД ЭТИШ

8.1. Томонлардан бири шартномани энгиб бўлмайдиган куч, яъни фавкуллда ва муайян шароитларда олдини олиб бўлмайдиган вазиятлар (зилзила, сув тошқини, ва бошқа табиий офатлар) (форс-мажор) туфайли бажармаган ёки лозим даражада бажармаганлигини исботласа, жавобгар бўлмайди.

IX. ШАРТНОМАНИНГ АМАЛ ҚИЛИШИ

9.1. Шартноманинг амал қилиш муддати 2022 йил «18» январ дан 2022 «31» март гача.

9.2.Мазкур шартномага ўзгартиришлар (қўшимчалар) томонлар имзолаган пайтдан кейин бажарилиши керак.

9.3.Мазкур шартномага ҳар қандай ўзгартириш ва қўшимчалар улар ёзма шаклда содир этилиши ва томонларнинг бунга зарур даражада вакил қилинган вакиллари томонидан имзоланиши шарт билан ҳақиқий ҳисобланади.

9.4. Тарафлар ўртасидаги муносабатлар улар томонидан мазкур шартноманинг барча шартлари бажарилган тақдирда тўхтатилади.

9.5. Томонлар ўртасидаги муносабатлар улар томонидан мазкур шартноманинг барча шартлари бажарилган тақдирда тўхтатилади.

X. ЯКУНИЙ ҚОИДАЛАР

10.1.Мазкур шартнома томонларнинг келишувига кўра ёки бошқа томон шартномани жиддий равишда бузган тақдирда, томонлардан бирининг талаби бўйича суд тартибида бекор қилиниши мумкин.

10.2.Мазкур шартнома икки нусхада тузилиб, томонларнинг ҳар бирига бир нусхадан колдирилади. Шартноманинг ҳар иккала нусхалари тенг юридик кучга эга.

XI. Томонларнинг юридик манзили ва реквизитлари:

«Таъминотчи»
Шахрисабз ШЭТК

(таъминотчининг номи)

Манзил: Шахрисабз шаҳар Ипак йўли кўча 102 уй

Тел/факс 522-79-55

Х/В 22636000800177786349

Банк номи Қарши шаҳар Ўзсаноатқурилиш банк

МФО 00854

ИНН 200666494

ОКОНХ 11170

Раҳбар

(Имзо)

(Ф.И.Ш)

«Истеъмолчи»

Шахрисабз тумани РДМ
(бюджетдан маблағ олувчининг номи)

Манзил: Шахрисабз ш. 4-йилбўтин м.ф.и
Шахрисабз тумани 36-йил

Тел./факс 75 522 77 21

ш/х* 1000 10860 10245 701133 2093001

бюджет маблағ олув ИНН 201602430ОКОНХ

Ўзбекистон Республикаси Молия Вазирлиги

Ғазначилиги

Ғазна Х/В 23402000300100001010

Банк номи Марказий банк Тошкент шаҳар бош

Бошқармаси ҳисоб-китоб касса маркази

МФО 00014 Ғазначилик ИНН 201122919

Раҳбар

(Имзо)

(Ф.И.Ш.)


М.Ў

М.Ў

Ушбу 2022 йил « » даги № сонли билан ўртасида тузилган шартнома Ўзбекистон Республикасининг 1998 йил 29 августдаги 670-1 сонли «Хўжалик юритувчи субъектлар фаолиятининг шартномавий-ҳуқуқий базаси тўғрисида»ги Қонуни

Ҳуқуқшунос;

М.Ў.



В. Шокиров
Адвокат

2022 йил « 18 » январ даги
 № 315 сонли шартномага 1-сонли
 илова

Шахрисабз шаҳар электр тармоқлари корхонаси томонидан 2022 йил давомида
 етказиб бериладиган электр энергияси қуввати

Ойлар	Ўлчов бирлиги	Миқдори (КВТ)	Нархи	Суммаси
Январ	кВт	7355	450	3309750
Феврал	кВт	7355	450	3309750
Март	кВт	7355	450	3309750
1-чорак жами		22065		9929250
Апрел	кВт	-		-
Май	кВт	-		-
Июн	кВт	-		-
2-чорак жами				
Июл	кВт	-		-
Август	кВт	-		-
Сентябр	кВт	-		-
3-чорак жами				
Октябр	кВт	-		-
Ноябр	кВт	-		-
Декабр	кВт	-		-
4-чорак жами				
Ҳаммаси 2022 йил		22065		9929250

Шахрисабз шаҳар электр тармоқлари
 бошлиғи:



T. Toshov
 (И.Ф)

М.У



[Signature]



Шахрисабз тумани ДСИ
[Signature]
 (И.Ф)

М.У

С. Шокиров
Адвокат